

Bibbia par putei  
Presenta

La nasita de  
Gesù



Scritto da: Edward Hughes

Ilustrà da: M. Maillot  
Alastair Paterson

Adatà da: E. Frischbutter; Sarah S.

Tradoto da: Tiberio Bardelle

Prodoto da: Bible for Children  
[www.M1914.org](http://www.M1914.org)

©2022 Bible for Children, Inc.

Licensa: A te ga el dirito de copiare o de stanpare sta storia,  
basta che non te la vendi.



Tanto tempo fa, Dio el ga mandà l'angeo Gabriele a 'na dolse e xovane tosata ebrea che se ciamava Maria. El ga dito: "A te gavarè on fantoin e a lo te ciamarà Gesù. I lo ciamarà el Fiol del Pi Alto. El regnarà par senpre".



"Come pol esar?" la ga domandà  
la tosata meravejà. "A no so  
mai sta co nesun omo". L'angeo  
el ga dito a Maria che el putin  
el saria vegnù da Dio.  
No ghe saria sta  
on pare uman.



L'angeo el ga po dito  
a Maria che la so  
xermana Elisabeta  
la jera drio spetar  
un fantoin anca se la  
jera vecia. Anca  
uesto el xe sta on  
miracoeo. Dopo on  
fia, Maria la xe 'ndà  
a catare Elisabeta.  
Insieme le ga pregà  
el Signor.



Maria la xe 'ndà  
morosa a on omo, che  
se ciamava Bepi, par  
po sposarse. Bepi el  
jera imusonà cuando  
che el ga savesto  
che la Maria la  
spetava on fiol.  
El pensava che  
el pare el fuse  
n'altro omo.



In insonìo, l'angeo el ga dito a  
Bepi che sto fantoin el jera el  
fiol de Dio. Bepi el gavaría  
dovuo aiutare Maria a  
rancurar Gesù.



Bepi el se fidava e el ghe butava a mente a Dio.  
Lu el scoltava anca le legi del so paexe. Par scoltar  
na lege nova, lu e Maria i  
xe partìi par la sità dove  
che i jera nati,  
Betleme,



par pagare le tase.



Maria la jera pronta  
par aver el so fantoin.  
Ma Bepi no el jera bon  
de catar na camara in  
nisun logo. Tute  
le locande le  
jera piene.



Po, finalmente el ga catà na stala. Li a xe nato  
Gesù putin. So mare lo ga posà so na magnaora,  
on logo dove che de soito i  
meteva el magnare  
dele bestie.



Li visin, i pastori i fasèva la guardia ai so s-ciapi de piegore indormesà. L'angeo del Signor el ghe xe vegnuo fora par dirghe la bea

notisia.

"Oncuò a  
xe nato,  
nela sità de  
Davide,

el Salvador che  
el xe El Cristo  
Signore, a lo

catarè sposà so na magnaora".



Po de colpo a xe vegnui fora na pasua de angei luxenti che i lodava el Signor e i diseva:

"Gloria a Dio in tel alto dei cieli e

pace in  
tera

ai omani de  
bona voeontà".



I pastori i se ga tolto rancura a andar ala stala. Dopo de aver visto el Fantoin, i ga dito a tuti cuei che catava, cueo che i angei i gaveva contà su Gesù.



Cuaranta zorni dopo,  
Bepi e Maria i ga  
portà Gesù al tenpio  
de Gerusaleme. La a  
ghe jera on omo che  
se ciamava Simeone  
che el Ga Lodà el  
Signor par el fantoin.  
A ghe jera anca la  
vecia Anna, on altra  
serva del Signor che  
a lo ga ringrasià.



Tuti e do i saveva  
che Gesù el jera el  
Fiol de Dio, el  
Salvador che jera  
sta promeso. Bepi el  
ga sacrificà do osei.  
Cuesta la jera  
l'oferta che la lege  
de Dio la dixeva che i  
poareti i gavaria  
dovuo portar quando  
che i ghe presentava  
on fantoin al Signor.



Cualche tempo dopo,  
na stea special, la  
ga menà i Re Magi  
da on paexe  
orientae fin a  
Gerusalemme.



"Dove xeo cueo che  
xe nato Re dei Ebrei?"  
i ga domandà. "A  
voemo adorarlo".



El re Erode el ga sentìo  
parlare dei Re Magi.  
Smisiotà el ga domandà  
de farghe savere cuando  
che i gavaria trovà Gesù.  
"Anca mi a vojo lodarlo"  
el gaveva dito Erode.  
Ma el jera drio  
inbrojarli. Erode el  
voleva copare Gesù.



La stea la ga menà i Re Magi in te la casa justa dove che Maria e Bepi i viveva col putin. Inxenocià a pregar, i viagiator i ga da a Gesù dei gran bei presenti de oro e de parfumi.



Dio el gaveva avertio i  
re magi de tornar a casa  
de scondon. Erode el jera  
spirità. El voleva copare  
Gesù. El re cativo el ga copà  
tuti i putei de Betleme.



Ma Erode no el  
podeva farghe del  
mal al fiol de Dio.  
Bepi el xe sta  
avertio in insonio e  
el ga portà maria e  
Gesù al seguro in  
Egitto.



Cuando che Erode  
el xe morto, Bepi  
el ga portà indrio  
dal'Egitto,



la Maria e Gesù, i xe 'ndà a star nel  
paese de Nazaret, in coste al mar de Galilea.



La nasita de Gesù

'Na storia de la Parola de Dio, ea Bibia

la se cata in

Mateo 1-2, Luca 1-2

"Scoltare le paroe a ne da la luce."  
Salmo 119:130





Ea fine



Sta storia dela Bibia la ne conta del nostro maravejoso Dio  
che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama pecato.  
La punision par el pecato la xe la morte, ma Dio el te voe cusì tanto  
ben che che el ga mandà el so unico fiolo, Gesù, a morir so na crose  
e a esar punio par i to pecati. Gesù el xe tornà in vita par po andar  
a casa soa in Paradiso! Se a te ghe credi in Gesù e a te ghe  
domandi de perdonar i to pecati, Lu a lo farà. Lu el vegnarà a vivar  
in noaltri adeso e noaltri a vivaremo con Lu par senpre.

Sa te credi che cuesta la sia la verità, dighe cuesto a Dio:

Caro Gesù, mi a credo che Ti a te si Dio, e che a te si deventà on  
omo par morir par i me pecati, e deso a te vivi da novo. Par piaser,  
vieni nela me vita e perdona i me pecati, in modo che mi a posa  
aver na nova vita adeso, e un di a vegnarò a star co ti par  
senpre. Iutame a butarte a mente e a vivar par ti  
come ca fuse to fiol. Amen.

Lesi la Bibia e parla co Dio tuti i dil! Giovani 3:16

